


元和郡縣圖志

附闕卷逸
文攷證

一二





元和郡縣圖志

附闕卷逸文攷證

(二十)

李吉甫撰
孫星衍校
張駒賢攷證

叢書集成初編

(補印本)

元 和 郡 縣 圖 志

附闕卷逸文攷證

二十冊

一九三七年五月初版
一九五九年十月補印

李吉甫撰

孫星衍校

張駒賢攷證

商務印書館出版

上海大眾文化印刷廠印刷

元和郡縣圖志卷第三十九

隴右道上

秦州 渭州 武州 蘭州 河州 鄯州 廓州 岷州 洮州 疊州 芳州 宕州 臨州

秦州天水中府 開元戶二萬五千七百三十九

禹貢雍州之域。古西戎地。周孝王時。其地始爲秦邑。孝王使非子主馬於汧。渭之間。馬大蕃息。孝王邑秦。使爲附庸。今天水隴西縣秦亭。秦谷是也。其後秦仲始大。襄公列爲諸侯。武公伐邽戎。滅而縣之。今州理上邽。卽秦之舊縣也。始皇分天下爲三十六郡。此爲隴西地。漢武帝元鼎三年。分隴西置天水。取天水名。由此湖也。王莽末。隗囂據其地。後漢建武永平之後。改天水曰漢陽郡。魏分隴右爲秦州。因秦邑以爲名。後省入雍州。晉復改漢陽爲天水郡。武帝泰始中。又立秦川郡。與州同理。開皇三年。罷郡。所領縣並屬州。大業三年。罷州爲天水郡。隋末。陷於盜賊。武德二年。討平薛舉。改置秦州。仍立總管府。天寶元年。改爲天水郡。乾元元年。復爲秦州。寶應二年。陷於西蕃。

州境東四百三十九里
南北五百五十五里

八到東至上都八百里
東至東都一千六百六十里

東至隴州三百六十里。
西至渭州三百里。
東至成州二百里。
東北至原州四百六十里。

賞賦。

管縣五 上邽 伏羌 隴城 清水 成紀

上邽縣上邽下。本邽戎地。秦伐邽戎而置縣焉。漢屬隴西郡。晉屬天水郡。後魏以避道武諱。改曰上邽。廢縣爲鎮。大業元年。復爲上邽縣。屬天水郡。武德屬秦州。

嶓冢山在縣西南五十八里。漾水之所出也。東流爲漢水。

渭水在縣北十三里。西自伏羌縣界流入。

段谷水源出縣東南山下。蜀將姜維爲鄧艾大破於段谷。星散流離。卽此谷也。

司馬宣王壘俗名上募城。在縣東二里。魏明帝太和五年。諸葛亮寇天水。詔大將軍拒之。此其壘也。

諸葛亮壘俗名下募城。在縣東二里。初亮出。議者或欲自芟上邽左右麥以奪賊食。帝不從。又敕令護麥。及宣王與亮相持。賴此麥以爲軍糧。

姜維壘在縣北八里。

漢高祖廟在縣東北五里。隗囂自立爲大將軍。聘平陵人方望爲軍師。勸囂立高祖廟。以取信於人。

伏羌縣。中。東北至州一百二十里。本冀戎地。秦伐冀戎而置縣焉。漢冀縣屬天水郡。後漢隗囂自稱西伯都於此。後魏以冀爲當亭。周爲黃瓜。大業二年改黃瓜爲黃城縣。武德三年初立伏州。仍置伏羌縣。八年罷伏州。以縣屬秦州。

朱圜山在縣西南六十里。上有石鼓。不擊自鳴。則有兵起。

渭水經縣北。去縣一里。

縣城本秦冀縣也。隗囂稱西伯都此。時冀人謠曰。出冀門。望羗羗。有一跛人欲上天。謂天可上。地上安得人。囂卒敗。

隴城縣。中。西南至州一百二十里。本漢略陽道。屬天水郡。初隗囂之據冀城。來歙從上道襲得略陽城。囂乃使王元

拒隴坻。牛邯軍瓦亭。囂自率衆攻略陽道。開皇三年罷郡。河陽縣徙理焉。六年改爲隴城縣。

大隴山在縣東一百里。

略陽川水北去縣三十步。

瓦亭山在縣東北二百餘里。隗囂使將牛邯守處。其山亦入原州界。又有街泉亭。蜀將馬謖爲魏將張郃所敗。

清水縣。中下。西南至州百二十五里。本漢舊縣也。屬天水郡。後魏分略陽置清水郡。隋開皇三年罷郡。縣屬秦州。

小隴山一名隴坻。又名分水嶺。隗囂時來歙襲得略陽。囂使王元拒之。隴坂九迴。不知高幾里。每山東人西役。到此瞻望。莫不悲思。隴上有水。東西分流。因號驛爲分水驛。行人歌曰。隴頭流水。鳴聲幽咽。遙見秦川。肝腸斷絕。東去大震關五十里。上多鸚鵡。

成紀縣。中東南至州一百里。本漢舊縣也。屬天水。伏羲氏母曰華胥。履大人跡。生伏羲於成紀。卽此邱也。周成紀

縣屬略陽郡。開皇三年罷郡。縣屬秦州。皇朝因之。

瓦亭川水東去縣一十五里。

渭州。隴西下。開元戶五千二百三十二。鄉一十四。

禹貢雍州之域。古西戎地也。戰國時羌戎雜居其地。秦昭王伐得義渠戎。始置隴西郡。按天水有大坂。名曰隴坻。郡處坻西。故曰隴西。有鐵官。鹽官。漢末隗囂竊據。建武十年囂降。隴右平。仍舊爲郡。靈帝分南安郡。魏於此置鎮守。鄧艾曰。蜀師來而爲一。我分爲四以禦之。謂狄道。隴西。南安。岐山四處。齊王嘉平五年。蜀將姜維圍南安。襄武皆不剋。後魏莊帝永安三年。於郡置渭州。因渭水爲名。禹貢導渭自鳥鼠同穴。山在州西一百二十九里。渭源界。大業三年罷州。復置隴西郡。隋亂陷賊。武德元年。西土底平。復置渭州。寶應二年陷於西蕃。

州境。東西二百六十六里。南北三百八十六里。

八到。東至上都一千一百里。

東南至秦州三百里。

西南至岷州二百二十六里。

東北至原州五百五十里。

西北至臨洮軍百九十里。

襄武縣上郭下。本漢舊縣也。屬隴西郡。開皇三年罷郡。縣屬渭州。大業三年復屬隴西郡。武德改屬渭州。

渭水北自渭源縣界流入。

六泉山在縣東北原上。泉源有六。因以為名。

渭源縣上至州九十里。正東東南。本漢首陽縣。屬隴西郡。西魏文帝分隴西置渭源郡。因渭水為名也。開皇三年罷

郡。縣屬渭州。

烏鼠山。今名青雀山。在縣西七十六里。渭水所出。凡有三源。並下。其同穴。鳥如家雀。色小青。其鼠如家鼠。

色小黃。近穴。洩溺氣甚辛辣。使人變逆。嘔吐。牛馬得此氣。多疲臥不起。而大汗。

隴西縣上至州五十里。本漢源道縣也。音榘。屬天水郡。後漢末於此置南安郡。開皇元年源道移武陽縣。名於郡

理。屬渭州。八年改武陽為隴西。

安南山在縣西四十九里。

落門水出縣東南落門谷。建武十年來歙大破隗囂於落門。卽此。

渭水經縣南。

彰縣。上。東北至州六十里。本漢彰縣也。屬隴西郡。永元元年封耿秉爲彰侯。是也。永嘉南渡縣遂廢焉。後魏宣武

復置。屬略開皇三年罷郡。縣屬渭州。

龍馬山在縣西四十里。

鄆水南去縣一里。

鹽井在縣南二里。遠近百姓仰給焉。

武州。武都下。開元戶二千四百五十三。鄉十二。

禹貢梁州之域。古西戎地也。戰國時白馬氏居焉。氏卽西戎之別種也。元鼎六年開白馬氏。以其地爲武都郡。魏太祖以楊阜爲武都太守。及劉備取漢中。魏文帝徙武都於美陽。卽今好時縣界也。後諸葛亮使將攻武都。陰平遂剋定二郡。其地始入於蜀。蜀平後。晉復以爲郡。及永嘉南遷。中原背叛。武都又爲氏楊茂搜所據。羣氏推以爲王。其後楊難當爲宋所破。其苗裔復擁衆據武都之仇池山。在今成州界。後平仇池。於仙陵山東置武都鎮。宣武帝於鎮城復置武都郡。廢帝改置武州。大業三年又改爲武都郡。武德元

年復爲武州。

城境東二百九十六里。

八到東北至上都二千二百里。

東至東都二千六百里。

東至與州三百五十七里。

西北至宕州二百五十七里。

南至文州三百六十里。

將利縣中下本漢羌道縣地。後魏於此置石門縣。周閔帝改爲將利縣。屬永都郡。開皇三年罷郡。縣屬武

州。皇朝因之。

仙陵山在縣西六里。

武都有紫水泥。亦紫。漢朝封璽書用紫泥。卽此水之泥也。又出上品雄黃。包如雞冠。

羌水一名陵水。經州城南二里。

福津縣中下。卽至本後魏之武階郡也。屬南秦州。文帝又置福津縣。屬武階郡。開皇三年罷郡。移福津

縣於郡置焉。屬武州。皇朝因之。

隴東山在縣北四十五里。

盤隄縣中下西北至州百五十里本漢河池縣之地也。後魏廢帝於此置武陽郡。領盤隄縣。開皇三年罷郡。縣屬武

州。皇朝因之。

盤隄山在縣東南七十三里。

縣城魏鄧艾與蜀將姜維相持於此。築城置茄蘆戍。後於此置縣。

蘭州金城下開元戶四千。鄉一十五。

禹貢雍州之域。古西羌地也。秦并天下。是爲隴西郡。漢武帝降匈奴。以其地置武威、酒泉、張掖、敦煌四郡。又分隴西置天水郡。昭帝六年分隴西。張掖以爲金城郡。今州卽金城郡之舊地也。初築時得金。故曰金城。又言金取其堅固。領縣十三。宣帝又置金城屬國。以處降羌。平帝元始四年金城塞外羌獻魚鹽之地。內屬。漢遂得西王母石室。以爲西海郡。理龍夷城。卽今河源軍西一百八十里威戎城是也。後漢建武十三年省金城。入隴西郡。明帝永平元年復立。永熹末。前涼張軌分立晉興郡。張實徙金城縣。卽今州理是也。西秦乞伏乾歸都苑川。南涼禿髮烏孤都廣武。皆此地也。苑川在今五泉縣至乞伏慕末爲赫連定所滅。廣武縣也。至禿髮得檀爲乞伏熾盤所滅。隋開皇元年立爲蘭州。置總管府。取皋蘭山以爲名也。大業三年罷州。爲金城郡。武德二年討平薛舉。復置蘭州。八年置都督府。明慶元年罷。復爲州。寶應元年陷於西蕃。

州境東四二百一十七里

八到東南至上都一千四百六十里

東南至東都二千三百二十里

東至臨州一百九十里

東北至會州三百八十里

西北至鄯州四百里

西南至河州三百里

貢賦開元貢 褐 野馬皮 麻

管縣二 五泉 廣武

五泉縣中下本漢金城縣也屬金城郡前涼張實徙金城郡理焉開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏乾歸太子熾盤招結諸部二萬七千築城於康狼山以據之即此山也

黃河流經縣北去縣二十里

金城關在州城西周武帝置金城津開皇十八年改津為關

廣武縣中下南至州本漢枝陽縣也前涼張駿三年分晉興置廣武郡開皇三年罷郡置廣武縣屬蘭州大業二年改為允吾音牙縣取漢舊名六年改為會甯縣武德三年重置廣武縣

琵琶山在縣西北一百五十里北涼沮渠蒙遜恃其強陰謀圖周周乃擁衆南保琵琶山即此也

烏逆水在縣西南二十許里。水西有馬蹄谷。漢武帝使李廣利伐大宛，得天馬。胡馬感北風之思，遂頓絛羈絆而馳。晨發京城，食時至燉煌塞下。今谷中石上猶存蹄跡。

允吾故城在縣西南一百六十里。本漢縣，屬金城郡。

浩亶故城在縣西南一百三十里。漢縣也。屬金城郡。亶者，水流峽岸深若門也。

河州安樂府。開元戶五千二百八十三。鄉一十四。

禹貢雍州之域。古西羌地也。漢昭帝分隴西、天水、張掖三郡立金城郡。今州即金城郡之枹罕縣也。枹音浮。

靈帝時隴西宋建自稱河平王，聚衆枹罕。改元置百官。獻帝建安末，夏侯妙才討平之。晉惠帝立枹罕護軍。前涼張軌保據涼州，立為晉興郡。張駿二十一年，以州界遼遠，分置河州。以禹貢導河積石至於龍門。

積石州界。故曰河州。後乞伏熾盤又自金城郡都於此。後魏平定秦隴，西改置枹罕鎮。孝文太和十六年，改鎮復為河州。大業二年，罷州，改為枹罕郡。武德二年，討平李軌，改置河州。寶應元年，陷於西蕃。

州境東四二百二十八里，南三百七十里。

八到東至上都一千四百六十里，東至東都二千三百二十里。

東至蘭州三百里，西至廓州三百九十里。

東南至洮州三百里，西北至鄯州三百里。

東至蘭州三百里，西至廓州三百九十里。

東南至洮州三百里，西北至鄯州三百里。

貢賦。開元貢。麝香。鉄金。賦。麻布。

管縣三 枹罕 鳳林 大夏

枹罕縣上郭下。本漢舊縣。屬金城郡。故罕羌侯邑。秦滅爲縣。後因之。

積石山一名唐述山。今名小積石山。在縣西北七十里。按河出積石山。在縣南羌中。注於蒲昌海。潛行地下。出於積石。爲中國河。故今人目彼山爲大積石。此山爲小積石。

鳳林山在縣北三十五里。

河水在縣北五十里。河下也。按四瀆之中。河源最高。從高注下。故其流峻急。禹貢導河積石。至於龍門。又曰。導洛自熊耳。按洛水出上洛西山。經熊耳之北。所言導者。皆謂紀所施功。不必自其源也。

鳳林縣中下。東南至州八十里。本漢白石縣地。後魏大統十二年。刺史楊寬於河南鳳林川置鳳林縣。因以爲名。儀

鳳元年。於河州西移安鄉縣理此。又名安鄉。天寶元年。改名鳳林。

石門山在縣東北二十八里。山高險絕。對岸若門。卽皋蘭山門也。漢武元符三年。霍去病出隴西至皋蘭。卽此也。

離水西去縣二百步。

大夏縣中下。西北至州七十里。本漢舊縣。屬隴西郡。前涼張駿置大夏郡。縣屬焉。周改屬枹罕郡。開皇三年。罷郡。縣

屬河州。

金劍山在縣西二十里。

大夏山水經縣南去縣十步。

鎮西軍在州西一百八十里開元三年哥舒翰於索恭川置。

振威軍在天成軍西百餘里天寶十三年九月哥舒翰攻吐蕃雕窠城置。

鄯州平開元戶六千四百四十六鄉一十五。

禹貢雍州之域古西戎地也春秋及秦漢為羌胡所居昭帝元始元年置金城郡按今州界即金城郡地

也後漢獻帝分置西平郡屬涼州前涼張軌分西平置晉興郡張天錫以晉興西平二郡遼遠分為廣源

郡後涼呂光改西平為西河郡南涼禿髮烏孤自稱武威王徙都於此弟儁檀遷於姑臧後復徙治於此

為乞伏熾盤所併後魏以西平郡為鄯善鎮孝昌二年改鎮立鄯州大業三年罷州復為西平郡隋亂陷

賊武德二年討平薛舉關隴平定改置鄯州儀鳳二年置都督府後復為州開元二十一年置隴右節度

使都督兵七萬五千人馬一萬六千六百匹備西戎統臨洮軍開元中移就節度衙置管兵河源軍州西二百二十里

李乙支置管兵一萬四白水軍州西北二百三十里開元五年郭安人軍河源軍西一百二十里星宿川

馬三百振威軍安王祿置管兵千人信威戎軍州西三百五十五里開元二十六年綏和守捉州西南二百

二年郭知運置管兵合川郡守捉州南百八十里貞觀中侯君集莫門軍洮州城內備鳳二年置管
千人今分爲五百人
軍廓州城內管兵五積石軍廓州西百八十里儀鳳二年鎮西軍置管兵一萬二千人馬三百匹
守捉河州城西南四十餘里開元二寶應元年沒於西蕃

州境東西北二百一十五里

八到東南至上都一千九百里
東南至東都二千七百六十里
東至蘭州二百二十里
西至青海三百七十里

西南至廓州二百四十里
東北至涼州五百里

貢賦開元貢褐十疋 羚羊角兩隻

管縣三 湟水 鄯城 龍支

湟水縣中郭下本漢破羌縣地屬金城郡魏分置西都縣屬西平郡開皇三年罷郡縣屬鄯州十八年改爲

湟水縣皇朝因之

土樓山在縣西百三十里下有土樓神祠

湟水名湟河亦謂之樂都水出青海東北亂山中東南流至蘭州西南入黃河

浩聲水今謂之閣門水經縣東去縣五十五里漢宣帝神爵元年遣後將軍趙充國擊先零羌充國欲罷

騎兵屯田以待其弊。計度臨羌東至浩亶羌虜故田。人所未墾。可二千頃已上。又理湟陜以西道橋七十所。令可至鮮水左右。留步士萬人屯田。爲必禽之具。詔從之。充國竟以屯田之利。支解先零。

鄯城縣。中東至州一百二十里。儀鳳二年。分湟水縣置。北枕湟水。西卽七樓山。

龍支縣。中北至州一百二十五里。一本漢允吾縣也。屬金城郡。後魏初。於此置金城縣。廢帝二年。改名龍支縣。西南有

龍支谷。因取爲名。

積石山在縣西九十八里。南與河州枹罕縣分界。

黃河在縣西南六十里。

廓州。常塞。開元戶三千九百六十四。鄉。

禹貢雍州之域。古西羌地。漢宣帝時。西羌數背叛。後將軍趙充國屯隴西。諸羌不敢動。後漢燒當等八種羌爲寇。段熲擊破之。諸羌弭定。獻帝建安中。分金城置西平郡。南涼禿髮烏孤。又以河南地爲澆河郡。周建德五年。於今州理西南。達化縣界。澆河故城置廓州。蓋以開廓邊境爲義。大業三年。罷州。復爲澆河郡。隋亂。陷於寇賊。武德二年。西土平定。改置廓州。乾元元年。陷於西蕃。

州境。東西三百九十四里。

八到。東南至上都二千九百十里。東南至東都三千九百九十里。

東至河州三百九十里。
西至吐蕃界樹郭城三百二十里。

南至新置曜武軍二百里。
北至新安夷騎八十里。

賞賦。開元貢。鉄金。大黃。戎鹽。麝香。

管縣三。化城。達化。米川。

化城縣下。本後魏石城縣也。廢帝二年。因境內有化隆谷。因改爲化隆縣。皇朝因之。先天元年。改爲化城縣。

黃河在縣南八十步。扶延山在縣東北十里。多麋鹿。

達化縣下。東至本後周置達化郡。并達化縣。開皇三年。罷郡。移縣入郡。卽今縣是也。皇朝因之。

黃沙戍在縣東六十里。

米川縣下。西至本前涼張天錫於此置邯川戍。後魏孝昌二年。於戍城置廣威縣。貞觀十年。於本縣東

一百二十里。黃河南岸置米川縣。屬河州。永徽六年。移於河北。屬廓州。

積石軍在州西南一百五十里。儀鳳二年。置西臨大澗。北枕黃河。卽隋澆河郡所理。

甯邊軍在積石軍西黃河北。

威勝軍在積石軍西八十里。宛肅城。

金天軍在積石軍西南一百四十里洪濟橋。

武甯軍在洪濟橋東南八十里百谷城。

曜武軍在州南二百里黑峽川。

右甯邊等五軍並天寶十三年哥舒翰奏置。

岷州和政開元戶三千九百五十。鄉一十四。

禹貢雍州之域。古西羌地也。禹貢西傾。朱圉。鳥鼠。按西傾山在洮州之西。今州處其東北。此則雍州之域明矣。在秦為隴西郡洮縣也。自秦至晉不改。後魏文帝始於此置岷州。南有岷山。因為稱。仍領同和郡。又改為臨洮郡。開皇三年罷郡。屬岷州。大業三年復為臨洮郡。隋末淪陷寇賊。義甯二年改置岷州。天寶元年改為和政郡。乾元元年復為岷州。上元二年因羌叛陷於西蕃。

州境東四一百六十三里。
南一百六十七里。

八到東北至上都一千三百三十六里。
東至東都二千一百八十六里。

東北至渭州二百八十里。
西南至洮州一百八十里。

南至宕州三百八十里。
北至臨州三百四十里。

貢賦。開元貢。龍鬚席。鸚鵡鳥。犁牛酥。鴈翎。

管縣三 盜樂 祐川 和政

盜樂縣中下。本秦漢之臨洮縣也。屬隴西郡。後魏置同和郡。縣屬焉。開皇三年罷郡。縣屬岷州。義甯二年

改置盜樂縣。

岷山在縣南一里。

雙峒山在縣西二十里。

州城本秦臨洮城也。後漢建初二年金城隴西保塞羌皆反。車騎將軍馬防長水校尉耿恭擊平之。卽此地也。

董卓臺在縣北十五步。

秦長城首起縣西二十里。始皇三十四年并天下。使蒙恬將三十萬衆北逐戎狄。築長城。起臨洮至遼東。延袤萬餘里。

祐川縣中下。西北至州七十里。本基城縣。周明帝武成元年置。開皇九年省。義甯二年重置。先天元年改爲祐川縣。

取縣西祐川爲名也。

和政縣中下。南至州三十三里。本後周洮城郡也。武帝保定元年郡省。置同和縣。屬同和郡。宣政元年改爲和政縣。

開皇三年罷郡。縣屬岷州。皇朝因之。

和政府。在縣西北七里。

洮水西南自溢樂縣界流入。

洮州臨洮上府。開元戶三千七百八十四。鄉七。

禹貢雍州之域。古西羌地也。自秦漢至於魏晉。皆諸羌所居。至後魏吐谷渾又侵據其地。後周明帝武成中。西逐諸戎。其地內屬。置洮陽防。武帝保定元年。立洮州。大業三年。罷州。改為臨洮郡。隋季亂離。所在陷沒。郡守孫長詢率所部百姓。嬰城固守。以義甯元年。舉城歸國。武德二年。復於此置洮州。貞觀四年。州移治。故洪和城。於此置臨洮鎮。五年。廢鎮。置御諱州。八年。廢州。復移洮州治此。永徽元年。置都督府。開元十七年。廢入岷州。二十年。於臨潭又置臨州。二十七年。又改為洮州。廣德元年。陷於西蕃。

州境。東四百五十里。南二百二十里。

八到。東北至上都一千五百里。東北至東都二千三百六十里。

東至岷州一百八十里。西至黃河六百里。

西南至疊州一百八十里。北至河州三百里。

貢賦。開元貢。褐。酥。

管縣二。臨潭。美相。

臨潭縣中郭下。本隋美相縣。周保定元年置。貞觀四年移美相縣於東北洪和城內。五年於州理改置臨潭縣。其城東北面並枕洮水。

洮水出縣西南三百里嶺臺山。卽禹貢西傾山也。

抃傍山在縣東十一里。抃傍羌語也。羌語呼石爲抃。呼高爲傍。因以爲名。

安西府在縣東四十里。周明帝武成元年行軍總管博陵公賀蘭祥討吐谷渾。築此城以保據潭平。後因

置博陵郡。隋又爲縣。屬洮州。貞觀十二年省縣入臨潭。十三年於此置安西府。

廣恩鎮在縣西一百八十里。

莫門軍。饑鳳二年置。在州城內。

神策軍在州西八十里。天寶十三年哥舒翰置。在洮河南岸。

美相縣中。西至州七十五里。本漢舊縣治。在州城。貞觀四年移洮州在此。縣亦隨徙焉。

霧露山在縣北一十里。

疊州合川。開元戶一千二百七十七。鄉十一。

禹貢梁州之域。歷秦漢魏晉諸羌常保據焉。至後魏其地入吐谷渾。周武帝建德六年西逐諸戎。始統有其地。乃置疊州。蓋取山川重疊爲義。大業元年廢疊州。以縣屬洮州。武德二年西土內附。於今州西二十

九里合川故城置疊州五年陷吐谷渾七年討平之復置疊州今州城在獨山上西臨絕澗南枕羌水十三年置都護府永徽元年罷天寶元年改為疊川郡乾元元年復為疊州

州境東西二百六十五里南北一百二十九里

八到東至上都一千七百里東至東都二千五百六十里

東南沿流至宕州二百五十里西至黃河上黨項岸二百八十里

東南至故芳州百四十里東北至洮州一百八十里

貢賦開元貢甘松香麝香酥賦麻布

管縣二 合川 常芳

合川縣郭下本周武成二年置有三谷水至縣東合流因以為名周屬西疆郡開皇三年罷郡縣屬疊州皇朝因之

石鏡山在縣西北四十五里其山石皎澈臨照莫不見其形體故以為名山有銅窟隋代採鑄今亦填塞白水一名墊江水在州西六十里

藥水在縣東平地人有患冷者煎水服之多愈

常芳縣中西北至州百二十里本周武成中所置恆香縣屬芳州郭下前上元中芳沒蕃神龍元年移縣名於天法

山東蘇董谷西即合川縣理是也。

芳州。貞觀戶八百六十二。

禹貢梁州之域。秦漢及魏晉皆諸羌所居。至後魏吐谷渾侵據焉。周明帝武成中西逐諸戎始有其地。乃於三交口築城置甘松防。武帝建德中改為芳州。以為名。領恆香深泉二郡。大業二年郡州廢。以縣屬扶州。隋氏喪亂陷於寇賊。武德元年西邊平定復於常芳縣置芳州。高宗上元二年陷於西蕃。

州境。東西南北。

八到。東至上都一千八百四十里。東北至東都二千七百里。

東南至扶州三百里。西南至羌直州一百六十里。

東至羌二百三十里。西至疊州一百四十里。

貢賦。貢。犁牛酥。調。麻布。

管縣三。常芬。恆香。丹嶺。

常芬縣。下。本周置。屬恆香郡。開皇三年罷郡。縣屬芳州。前上元二年陷於西蕃。神龍元年移縣名。屬疊州。

素嶺山在縣東七十里。春夏常多積雪。因名之。

甘松府在城內

恆香縣州下 東北至貞觀二年置寄理恆香戍

常侯山在縣南三里

丹嶺縣州下 東南至本隋舊縣開皇十九年置屬芳州儀甯二年屬甘松郡武德元年罷郡縣屬芳州所

管百姓皆是黨項諸羌界內雖立縣名無城郭居處

湫池在縣西八十里通彌山中周迴百餘里蓋古之天池大澤白水之源蓋出此也

宕州懷道下 開元月一千六百五十九 鄉六

禹貢梁州之域古西羌地也自秦漢至魏晉皆諸羌據焉後魏招撫西戎始有其地有梁彌忿者宕昌羌也其先羌豪祖勤自彌宕昌王彌忿太武初表求內附太武嘉之拜彌忿為宕昌王其後遞相傳襲稱藩於魏謂其地為宕昌藩周天和元年改藩置宕州大業三年罷州為宕昌郡武德元年置宕州天寶元年改為懷道郡乾元元年復為宕州因宕昌山為名也

州境東四三百六十五里

八到東北至上都一千四百七十里

東南至武州三百五十里
西北至疊州二百五十里

西南至扶州四百里。
北至岷州三百八十里。
貢賦。開元貢。麩金。麝香。

管縣二 懷道 良恭

懷道縣。中下。本周武帝天和元年置。屬甘松郡。開皇三年罷郡。屬宕州。皇朝因之。

蘇董戍。縣西一百八十三里。

良恭山。在縣北四十里。出雌黃。

斫花山。在縣東北八十里。出朱砂雄黃。人常採取之。

宕昌故城。今爲交和戍。在縣東五十二里。

良恭縣。下。西南至州百一十里。本周之陽谷縣也。武帝天和五年置宕昌郡。開皇三年罷郡。縣屬宕州。十八年改爲

良恭縣。

願虜山。接縣城西北隅。東西四十里。南北三里。

臨州。狄道

州境。東西北

八到。東南至上都一千二百八十里。東南至東都二千一百四十里。

天寶初割蘭州狄道縣又別置安樂縣置臨州郭舊有臨洮軍久視元年置寶應元年陷於西蕃
狄道縣下
安樂縣下

元和郡縣圖志卷三十九考證

隴右道上

官本按云唐貞觀初分州縣爲十道隴右列關內河南河東河北山南之次淮南江南劍南嶺南之前是志因元和時久陷西蕃故移於後其有開元戶鄉而無元和戶鄉亦非傳寫佚之今按前於各道必列藩鎮所理此不復列亦以陷蕃之故初有隴右節度使理鄯州河西節度使理涼州此道雖非元和時所有而郡縣仍存舊制蓋以見規復之略焉

又按官本於管州目下有共縣三十七此脫

五十七

秦州開元戶下

官本十作千南本从之

孝王邑秦州

敘

官本邑下有諸字南本增

今天水隴西縣

官本無西字此志亦無隴縣宜有脫誤蓋本徐廣史記注

置天水。取天水名由此湖也。

義未析。宜有脫錯。官本作置天水郡。郡前有湖水。冬夏無增減。天水取名由此湖也。此脫。語本秦州記。
詳御覽南本增。

後漢建武永平之後。改天水曰漢陽。

建武下疑脫討平之。或永卽討字之訛。

因秦邑以爲名。

官本爲名作平之。誤。蓋卽建武下之脫文。錯落於此。

又立秦川郡。

晉志未詳。

五十五。州境下

官本作五十。

東至隴州。

官本作東北。此脫。

西至渭州。

官本作西北。此脫。

西至成州。

官本作西南。此脫。

貢賦。

官本按云。唐六典。隴右道厥賦麻布。秦州貢龍鬚席。犛牛尾。雕翎。芎藭。此並傳寫缺。

改曰上邽。上邽縣

地形志。邽作封。此志文義應爾。傳鈔誤。

周爲黃瓜。伏光縣

黃瓜。後魏置周省。當亭入焉。

改黃瓜爲黃城縣。

隋志黃城作冀城。南本改。

出冀門望羗羣。有一跛人欲上天。謂天可上。地下安得人。縣城

官本羗羣下按云。後漢書隗囂傳注引此童謠。作出吳門望緹羣。謂吳門冀都門名也。有緹羣山。今按

通考引後漢書注略同。而跛人作蹇人。下有言字。謂作令。與此別。得人原作得民。此避。

一百二十里。隴城縣注。

官本二作一。

本漢略陽道。縣注。

舊志云漢隴縣地。

河陽縣徙理焉。

河宜作阿。本漢舊名。樂史作河陽。云以在河之西北。故曰河陽。或別有據。

六年改爲隴城縣。

地形志隴城縣屬秦州略陽郡。不始於隋。上云三年罷郡。卽指略陽。見成紀縣。此宜有脫文。

三十二。渭州開元月。

官本二作一。

岐山。州注。

按三國志及通鑑。岐宜作祁。事見延熙十九年。樂史並誤。

麻布。開元賦。

官本作布麻二物。此誤合爲一。南本改。

彰管縣下

宜作鄣詳後

武德襄武縣

南本下有元年

置渭源郡渭源縣

官本郡作縣誤

本漢源道縣也隴四縣

地理志源作獮字不從才

獮道

官本作廢郡此誤南本改

八年

樂史作十八年歐陽忞作十年

安南山本條

官本南作都南本改按水經注作安都谷

落門水。建武本條

官本作洛。下並同。地理志、水經注俱作落。與此合。建武上官本有後漢。南本增。

本漢彰縣也。彰縣敘

漢宜作後漢。彰官本作鄆。與郡國志合。此志鄆水條亦從邑。與唐志同。南本改。下仿此。

封耿秉為彰侯是也。

官本下按云。後漢書耿秉傳。封美陽侯。此云鄆侯。未知所據。今按水經注。新興川東北至彰縣南。永元

元年。封耿秉為侯國。此志所本。

後平仇池。武州敘

官本後下有魏字。此脫。

二千二百里。八到下

官本作一千三百里。近合。南本改。

二千六百里。

官本百作十。近合。

五十七里。

官本無七字。

三百六十里。

官本作二百五十。南本从之。

布開元賦。

官本有麻。此脫。

福津管縣下。

福宜作覆。隋志及舊志並同。景福初始改福。此傳鈔誤也。後仿此。

屬永都郡。將利縣。

官本永作武。南本改。顧祖禹曰。周爲武都。又改永都。隋煬帝又改爲武都。此敍周閔帝時似永字義長。

西至州六十里。福津縣注。

官本作西北至州六十六里。南本从之。

永熹末。前涼張軌分立晉興郡。張實徙金城縣。蘭州。

熹宜作嘉。官本晉興作興晉。按云。晉書張重華傳。魏書張駿傳。竝有晉興郡。與此興晉異。未詳孰是。今

按晉志作晉興。顧祖禹曰。十六國春秋。晉咸康元年。張軌分置興晉郡。屬河州。自是枹罕爲興晉。非晉

興也。官本作興。晉當是此志原文。此作晉興者。蓋後人依晉志誤改。又按十六國春秋苻堅建元七年。以李辨領興晉太守。乾歸太初九年。以翟璽為興晉太守。不云晉興。後仿此。張寶官本作張寔。此誤。下同。

苑川。至熾盤所滅也。皆此地也。注。

官本無在今五泉縣及縣也。七字。南本無縣也。二字。盤通鑑作磐。

明慶元年。

明官本作顯。非唐中宗諱顯。故用明字。又按釋法顯佛國記。通典引作法明。注云。國諱改。亦一證也。

東至臨州。八到

東宜作南。

麻。開元

官本無下有賦布麻。此疑脫錯。

屬蘭州。五泉縣

不詳五泉原始。此下宜有脫。歐陽忞曰。大業初。州廢。置金城郡。後改縣曰五泉。

按五泉縣宜有乾歸故城條。詳鳳翔府天興縣。

二十里。廣武縣注。

官本作二十五里。南本从之。

烏逆水。本條。

水經注作逆水。地理志作烏亭逆水。

安樂。河州注。

官本按云。杜佑通典。河州爲安鄉郡。舊唐書同。新唐書作安昌郡。與此互異。

自稱河平王。州鏡。

通鑑作自稱河首平漢王。樂史同。

積石州界。

石下宜有在字。

大業二年。

官本二作三。是。

東至蘭州。八到下。

官本東作東北。與蘭州合。南本改。

東南至洮州。

官本無東字與洮州合。

麻布開元賦

官本作布 麻此誤合為一。

上枹罕縣注

官本作中下與此別。

故罕羌侯邑縣

水經注又東逕枹罕縣故城南。應劭曰：故枹罕羌侯邑也。此志所本不應脫枹字。地理志注坊本多誤。

作故罕羌侯邑也。或後人依之改此。

在縣南羌中積石山餘

官本縣作西

東南至州鳳林縣注

南宜作北。洪亮吉云：故城在河州西南。樂史亦云西南。此誤。

置鳳林縣縣

後魏置鳳林縣。各地志俱未詳。洪亮吉以爲晉縣。與此別。

元符三年。石門山條。

元符、宋哲宗年號。此宜作元狩。南本改。水經注云。元狩三年。驃騎霍去病出隴西。至皋蘭。此志所本。

離水。本條。

水經注作灘水。

開元三年。大夏縣鎮西軍條。

按舊書哥舒翰傳。天寶六年。始代王忠嗣爲節度。開元初。仕不甚顯。鄯州敍鎮西軍在河州城內。開元

二十六年。杜希望置。此云在州西一百八十里。人地時事迥別。

在天成軍西百餘里。振威軍條。

振威軍鄯州敍云。在州西三百里。開元中。信安王禕置。與此別。

□平。鄯州注。

官本作西平。

元始元年。州敍。

元始乃平帝年號。宜作始元。方合。蘭州敍云。昭帝六年。元年。亦誤。

一萬六百匹。五十一萬疋。緞龍右節度使注

舊志無一萬五十一作五十。緞官本作段。此誤。

八千四百匹。臨洮軍注

舊志無四百。

郎將李乙支。一萬四千。五十三匹。河源軍注

官本郎作中郎。南本增。舊志無一萬及三字。

振威軍。

會要作振武軍。

管兵千人。振威軍注

舊志千人下有馬五百匹。

州西。威戎軍注

官本作州西北。

今分爲五百人。綏和守捉注

官本無此句。

馬一百匹。積石軍注

舊志一作三。

一萬二千人。鎮四軍注

舊志二作一。

一千九百里。二千七百六十里。八到下

官本九百作八百六十六。六十作二十。

東至蘭州二百二十里。

官本作東南至蘭州四百里。與蘭州合。此恐誤。

青海。二百四十里。

官本青作西。恐誤。二作一。

貢賦云云。

官本有賦布麻。此脫。南本增。

二十五里。龍支縣注

官本二作三。與樂史合。南本改。

二千四百十里。鄆州八到

官本作二千里。近合。

東南至東都三千九百里。

南本無南字。官本作二千八百六十里。近合。

貢賦云云。

官本有賦布麻。此脫。

化城縣。

舊志及樂史並云。天寶元年改廣威縣。此未詳。

扶延山在縣東北十里。黃河條

舊志及樂史並作拔延山。官本別爲專條。十里作七十里。南本从之。

在州西南一百五十里。米川縣種石軍條

鄆州鉞云。在鄆州西百八十里。未知孰的。

宛肅城。戰勝軍條

王應麟引肅作秀。

洮縣也。岷州敘

溢樂縣敘作臨洮縣。與地理志合。此脫也。官本作地。

一百八十六里。西南至洮州。八到

官本一作二南。宜作北。

犂牛酥。開元買

官本犂作犛。南本作犛。後有賦布麻。此脫。南本增。

三十四年并天下。溢樂縣秦長城條

按通鑑。秦并天下在二十六年。築長城在三十二年。此蓋依史記之文。并天下三字宜衍。

三十三里。和政縣注

官本作三十二里。南本从之。

上府。洮州注

官本作下。與唐志合。南本改。

移治故洪和城。州敘

治。官本作理。下同。

置御諱州

官本無御諱作淳字。按云：原本避唐憲宗諱缺淳字。今校補。今按此乃書之原文。本宜旁注。後人改正書。大非義例。推之各卷。類此者當復多有。皆傳鈔變亂耳。舊志作置旭州。恐誤。

東至岷州。八到
下。

官本作東北。按方輿宜作東南。

以保據潭平後。因置博陵郡。隋又為縣。臨潭縣安
四府條。

潭平。官本作西土。南本从之。博陵郡縣。史志未詳。

本漢舊縣。治在州城。美相
縣敘。

美相縣後周置。非漢縣。官本漢下有隋字。漢字宜衍。舊志云：天寶中併入臨潭。而此志仍分兩縣。未詳

何年復置。治。官本作理。

改為疊川郡。疊州
敘。

官本疊作合。此誤。

東至上都。東至東都。八到
下。

官本東下皆有北字。

黨項岸。

樂史岸作序州恐未的。

麻布開元賦

官本作布。麻此誤合為一。南本改。

周屬西疆郡合川縣

按西傾山一名西疆山。即嶺臺山。與滋通。周郡以山為名。疆不從土。

芳沒蕃常芳縣

官本芳作芳州。此脫。南本增。

貞觀戶云云芳州下

官本按云。是州陷西蕃在高宗時。其天寶郡名。開元戶鄉。皆未有故。止載貞觀戶。

以為名州

官本無非。此上更有脫文。樂史云。取其地多甘松芳草為名。原文疑作地多甘松芳草。因以為名。傳鈔

佚之。

置芳州。

官本下按云隋書地理志云後魏立芳州有深泉郡後周置常芳縣立恆香郡此謂周武帝建德中改甘松防爲芳州與隋志異又唐書地理志云武德元年以常芬縣置芳州此謂置于常芳縣芳蓋芬之誤

東至上都 三百里八到

官本東作東北百下有三十

調 麻布賈賦

官本調作賦布麻爲二物是南本改

一十五里恆香縣注

官本一作二

常侯山本條

官本作帝侯山

儀甯二年丹嶺縣敘

官本儀作義南本改二官本作三誤

有梁彌忿者宕州敘

官本忿作忿。下同。樂史作忽。南本从之。御覽引通典同。通考與此合。未知孰的。

自彌宕昌王。

彌官本作稱。南本改。

三百五十里。西南至扶州。入到

官本三作二。與武州合。南本改。西南宜作東南。官本無西字。

賁賦云云。

官本有賦布麻。此脫。南本增。

出雌黃。隴道縣良
恭山條

洪亮吉引雌作雄。

斫花山。本
條

洪亮吉引斫作研。

出朱砂雄黃。

官本雄作雌。洪亮吉引作雄。與此合。

百一十里。良恭
縣注

官本百作二百是南本增

本周之陽谷縣也

縣敘

舊志樂史谷並作宕此形近訛

臨州

官本按云是州置自天寶三年故不載開元戶鄉

州境

八到

二條宜列天寶條後仍標貢賦管縣各條以副前例官本是南本改

二百八到
下

官本二作四一作二有南至岷州三百四十里西至蘭州一百九十里此脫

狄道縣

官本後有本漢縣屬隴西郡晉改爲武鞬縣隋復爲狄道屬蘭州天寶初改屬臨州南本增此脫畢沅

引武鞬作武始

安樂縣官本作長樂縣亦無至州方里蓋脫後有天寶初置安樂縣乾元後改爲長樂此脫南本增

元和郡縣圖志卷第四十

隴右道下

涼州 甘州 肅州 沙州 瓜州 伊州 西州 庭州

涼州武威中府 開元戶二萬六千一百六十五 鄉一十五

禹貢雍州之西界。自六國至秦。戎狄及月氏居焉。後匈奴破月氏。殺其王。以其頭爲飲器。月氏乃遠過大宛。西擊大夏而臣之。匈奴使休屠王及渾邪王居其地。漢武帝之討北邊。休屠渾邪數見侵掠。單于怒。遣使責讓之。二王恐見誅。乃降漢。漢得其地。遂置張掖。酒泉。敦煌。武威四郡。昭帝又置金城一郡。謂之河西五郡。改州之雍州爲涼州。五郡皆屬焉。地勢西北邪出。在南山之間。隔絕西羌西域。於時號爲斷匈奴右臂。獻帝時。涼州數有亂。河西五郡去州隔遠。自來別立州。於是以五郡立爲雍州。魏又分雍州置涼州。領河西五郡。晉惠帝永甯元年。以張軌爲刺史。持節護羌校尉。會永嘉之亂。因保據涼州。是爲前涼。至張天錫爲苻堅所滅。後十餘年。又爲呂光所據。是爲後涼。至呂隆爲姚興所滅。及沮渠蒙遜起兵。據張掖。是爲北涼。至沮渠茂虔爲後魏所滅。及太武帝改州鎮置四軍戍。孝文太和十四年。復爲涼州。領武威等十郡二十縣。周置總管府。大業三年。改爲武威郡。廢總管。隋末喪亂。陷於寇賊。武德二年。討平李軌。改爲涼州。

置西河節度使都管兵七萬三千人備羌胡統赤水軍在涼州城內管兵三萬三千馬萬三千匹本赤烏

蕃北臨突厥者也吐大斗軍涼州四百里本赤水軍守捉開元十六年改為大斗建康軍證聖元年

傑開鎮周以甘肅兩州中間闊遠頻被賊鈔遂於甘州西二百里甯寇軍置管兵一千七百餘人馬五百

此軍兵五千三百人馬五百匹東去理所七百餘里也後倣此甯寇軍置管兵一千七百餘人馬五百

玉門軍涼州西二百餘里武德中楊恭仁置管兵千人墨離軍瓜州西北一千里管兵五千五百

郡管兵七千人西去理所四百里也豆盧軍沙州城內以當匈奴要路山川迴闊神龜初置立豆盧軍

張掖守捉東去理所五百里管兵一千五百人白亭軍涼州西北七百里天寶元年改為

武威郡乾元元年復為涼州廣德二年陷於西蕃州城本匈奴所築漢置為縣城不方有頭尾兩翅名為

烏城南北七里東西三里地有龍形亦名臥龍城

州境南北四百三十里東去秦州路二千里取秦州路一千六十里

八到東南至東都取秦州路二千八百六十里取秦州路一千六十里

貢賦開元貢野馬皮五張白麥柔毛氈

管縣五 姑臧 神烏 昌松 嘉麟 天寶

姑臧縣上本漢舊縣屬武威郡因姑臧山為名亦言故匈奴蓋臧城後人音訛為姑臧焉

天梯山在縣南二十五里。

白亭軍在縣北三百里。馬城河東岸。舊置守捉。天寶十年。哥舒翰改置軍。因白亭海爲名也。

文車澤在縣東三十里。前秦苻堅遣將軍苟萇。毛盛伐北涼。造機械衝車於此。因名。

休屠城在縣北六十里。漢休屠縣也。

明威戍在縣北百八十里。

武安戍在縣西北百六十里。

武興鹽池。眉黛鹽池。並在縣界。百姓咸取給焉。

神烏縣。上舊郭下本漢鸞烏縣。張天錫改置武興縣。後廢。武德三年。又於城內置神烏縣。與姑臧分理。神烏理

西。姑臧理東。貞觀元年。廢。總章元年。又置也。

昌松縣。中州西北至本漢蒼松縣也。屬武威郡。後涼置昌松郡。縣屬焉。開皇三年。改昌松爲永平縣。後以

重名。復爲昌松。

金山在縣南一百八十里。麗水出焉。

蒼松故城在縣東北十里。漢蒼松縣也。

麗水府在縣城中。

白馬戍在縣東北五十里。

嘉麟縣。中下。東南至州七十里。本漢宣威縣地。前涼張軌於此置武興郡。後涼呂光改置嘉麟縣。後廢。萬歲通天元

年重置。

天寶縣。中下。東至州百八十里。本漢番盤禾縣。屬張掖郡。北涼沮渠蒙遜立爲番禾郡。後魏太武帝平涼。罷郡置軍。

開皇三年改爲縣。皇朝因之。天寶中改爲天寶縣。

甘州。張掖中府。開元月五千四百四十。

禹貢雍州之域。自六國至秦。戎狄月氏居焉。漢初爲匈奴右地。武帝元鼎六年。使將軍趙破奴出令居。乃分武威酒泉地置張掖。敦煌郡。斷匈奴之右臂。自張其掖。以爲名。初屬張軌。後涼末。段業亦嘗據此地。後業爲北涼沮渠蒙遜所殺。據之。後又遷理姑臧。後魏太武平涼。以爲張掖軍。廢帝二年。改軍置甘州。因州東甘峻山爲名。或言地多甘草。故名。大業三年。罷州。爲張掖郡。隋亂陷賊。武德二年。討平李軌。改置甘州。水泰二年。陷於西蕃。

州境。東四百一十六里。南北一千三百七里。

八到。東南至上都二千五百里。東南至東都三千三百六十里。

東至涼州五百里。西至肅州四百里。

南至大雪山二百三十里。
東北至花門山一千四百五十里。
賁賦。開元賁。野馬皮。白柰。枸杞。

管縣二 張掖 刪丹

張掖縣。下。本漢麟得縣。屬張掖郡。本匈奴麟得王所居。因以名之。晉改名永平縣。開皇三年。改永平爲酒泉縣。大業二年。改爲張掖縣。取舊郡爲名也。皇朝因之。

合黎山。俗名要塗山。在縣西北二百里。禹貢道。弱水至於合黎。

祁連山。在縣西南二百里。張掖、酒泉二界。上有美水茂草。山中冬溫夏涼。宜牛羊。乳酪濃好。夏瀉酥。不用器物。置於草上。不解散。作酥特好。一斛酪得斗餘酥。

雪山。在縣南一百里。多材木箭竿。

甘峻山。在縣東北四十五里。其山出青鸛鷹。稱爲奇絕。常充貢獻。

居延海。在縣東北一千六百里。卽居延澤。古文以爲流沙者。風吹流行。故曰流沙。

鹽池。在縣北九百三十里。其鹽潔白甘美。隨月虧盈。周迴一百步。

建昌軍。在州西北一百九十里。

刪丹縣。中下。西至州。本漢舊縣。屬張掖郡。按焉支山一名刪丹山。故以名縣。山在縣南五十里。東西百

餘里。南北二十里。水草茂美。與祁連山同。匈奴失祁連焉支二山。乃歌曰。亡我祁連山。使我六畜不繁息。失我焉支山。使我婦女無顏色。

弱水在縣南山下。

大斗枝谷在縣南二百里。大業五年。煬帝躬率將士。出西平道討吐渾。還此谷。會大霖雨。士卒凍餒。死者十六七。

甯寇軍在居延水兩汊中。天寶二年置。

肅州。酒泉下。開元戶二千二百五十二。鄉八。

禹貢雍州之域。古西戎地也。六國時。月氏居焉。後爲匈奴所逐。奔逃西徙。匈奴得其地。使休屠昆邪王分守之。武帝元符二年。昆邪王殺休屠王。并將其衆來降。以其地爲武威酒泉郡。以隔絕胡與羌通之路。以城下有泉。其味若酒。故名酒泉。初屬張軌。後涼呂光復據有之。後魏道武天興三年。晉昌太守唐瑤移檄六郡。推武昭王爲大都督涼公。領秦涼二州牧。自敦煌遷都於此。號西涼王。後沮渠蒙遜復據有其地。後魏太武帝平沮渠氏。以酒泉爲軍。屬敦煌鎮。明帝孝昌中。改鎮立瓜州。復置酒泉郡。開皇三年。罷郡立酒泉鎮。所領縣並屬甘州。仁壽二年。以境宇遼遠。分甘州置肅州。隋末。陷於寇賊。武德元年。河右底定。復於酒泉縣置肅州。大歷元年。陷於西蕃。

州境東四百六十四里
北四百三十五里

八到東至上都二千九百里
東至東都三千七百里
東至甘肅州四百里
南至吐蕃雪嶺二千五百里

西北至葭蘆泉五百里

賞賦 開元賞 野馬皮 礪石 肉蓯蓉 柏脈根

管縣三 酒泉 福祿 玉門

酒泉縣中 郭下 本漢福祿縣地屬酒泉郡自漢至隋不改義甯元年分置酒泉縣初西涼武昭王自敦煌遷

都於此至子歆為沮渠蒙遜所破

崑崙山在縣西南八十里周穆王見西王母樂而忘歸即此山

洞庭山在縣西七十里四面懸絕人不能上遙望燄燄如鑄銅色山中出金

白亭海在縣東北四十里一名會水以衆水所會故曰會水以北有白亭故曰白亭海方俗之間河北得

水便名為河塞外有水便名為海

遮虜障在縣北二百四十里李陵與單于戰處隋鎮將楊元於其地得銅弩牙箭鏃

西涼武昭王陵在縣西十五里

福祿縣中下四里。本漢樂涇音屬敦煌郡。後魏太武帝平沮渠茂虔。改縣爲戍。隸敦煌鎮。孝文帝改爲

樂涇縣。隋改縣爲鎮。武德二年。置福祿縣。取舊名也。

崆峒山在縣東南六十里。黃帝西見廣成子於崆峒。漢武帝行幸雍。祠五時。遂登崆峒。並爲此山也。

祁連戍在縣東南一百二十里。

鹽池在縣東北八十里。周迴百姓仰給焉。

玉門縣中下東至州二百二十里。本漢舊縣。屬酒泉郡。漢罷玉門關屯戍。徙其人於此。因以名縣。後孝明帝改爲玉

門郡。周武帝省入會川縣。開皇十年。復爲玉門縣。皇朝因之。

金山在縣東六十里。出金。

獨登山在縣北十里。其山出鹽。鮮白甘美。有異常鹽。取充貢獻。

石脂水在縣東南一百八十里。泉有苦如肥肉。燃之極明。水上有黑脂。人以草盞取用。塗鴟夷酒囊及膏

車。周武帝宣政中。突厥圍酒泉。取此脂。燃火焚其攻具。得水逾明。酒泉賴之獲濟。

玉門軍。開元中。玉門縣爲吐蕃所陷。因於縣城置玉門軍。天寶十四年。哥舒翰奏廢軍。重置縣。

沙州燉煌中府開元戶六千四百六十六。鄉十三。

禹貢雍州之域。古戎地也。左傳所謂允姓之戎。居於瓜州。注云。在今敦煌。是也。漢武帝元鼎六年。分酒泉

置敦煌郡。今州卽其地也。前涼張駿於此置沙州。蓋因鳴沙山爲名。流沙卽居延澤也。以西胡校尉楊宣爲刺史。後三年宣讓州。復改爲敦煌郡。涼武昭王初都於此。後又遷於酒泉。後魏太武帝於郡置敦煌鎮。明帝罷鎮。立瓜州。以地爲名也。尋又改爲義州。莊帝又改爲瓜州。大業三年。又罷州爲敦煌郡。隋末喪亂。陷於寇賊。武德二年。西土平定。置瓜州。五年。改爲沙州。建中二年。陷於西蕃。

州境東西北

八到東南至上都三千七百里。東南至東都四千五百六十里。

東至瓜州三百里。西至石城鎮一千五百里。

西至吐蕃界三百里。北至伊州七百里。

貢賦。開元貢。野馬皮。石膏。碁子石。犂羊角。

管縣二 敦煌 壽昌

敦煌縣上。鄜下。本漢舊縣也。屬敦煌郡。周武帝改爲鳴沙縣。以界有鳴沙山。因以爲名。隋大業二年。復爲敦煌。敦大也。以其開廣西域。故以盛名。

三危山在縣南三十里。山有三峯。故曰三危。尙書。竄三苗於三危。卽此山也。

鳴沙山一名神沙山。在縣南七里。今按其山。積沙爲之峯巒。危峭踰於山石。四面皆爲沙壠。背有如刀刃。

人登之卽鳴。隨足頽落。經宿風吹。輒復如舊。有一泉水。名曰沙井。縣歷古今。沙填不滿。水極甘美。懸泉水在縣東百三十里。出懸泉山。漢將李廣利伐大宛還。士衆渴乏。引佩刀刺山。飛泉湧出。卽此也。水有靈。車馬大至卽出多。小至卽出少。

鹽池在縣東四十七里。池中鹽常自生。百姓仰給焉。

壽昌縣。中下。東至州一百五里。本漢龍勒縣。因山爲名。屬敦煌郡。周武帝省入鳴沙縣。大業十一年。於城內置龍勒

府。武德二年。改置壽昌。因縣南壽昌澤爲名也。

龍勒水在縣南百八十里。龍勒山上。李陵發兵至。遮虜障東浚稽山。南龍勒水上。徘徊觀虜。所見卽此水。陽關在縣西六里。以居玉門關之南。故曰陽關。本漢置也。謂之南道。西趣鄯善。莎車。後魏嘗於此置陽關縣。周廢。

玉門故關在縣西北百一十八里。謂之北道。西趣車師前庭及疏勒。此西域之門戶也。班超在西域上疏曰。臣幸得護西域。如自以壽終屯部。誠無所恨。恐後代謂臣沒西域。臣能無依風首邱之思哉。臣不敢望到酒泉郡。但願生入玉門關。卽此是也。

豆盧軍神龍元年置。在州城內。

瓜州。晉昌下府。開元戶。

本漢酒泉郡。元鼎六年分酒泉置敦煌郡。今州卽酒泉。敦煌二郡之地。晉惠帝又分二郡置晉昌郡。周武帝改爲永興郡。開皇三年罷郡置瓜州。按隋瓜州卽今沙州也。大業三年改瓜州爲敦煌郡。武德五年改瓜州。別於晉昌置瓜州。地出美瓜。故取名焉。狐食其瓜。不見首尾。大歷十一年陷於西蕃。

州境。東四三百九十三里。南六百八十四里。

八到。東南至上都三千四百里。東南至東都四千二百六十里。

東南至肅州四百八十里。西至沙州三百里。

南至大雪山二百四十里。

賁賦。關元賁。草鼓子。吉莫皮。

管縣二 晉昌 常樂

晉昌縣。中下。本漢冥安縣。屬敦煌郡。因縣界冥水爲名也。晉元康中改屬晉昌郡。周武帝省入涼興郡。開

皇四年改爲常樂縣。屬瓜州。武德七年爲晉昌縣。

雪山在縣南百六十里。積雪夏不消。東南九十里。南連吐谷渾界。

冥水自吐谷渾界流入大澤。東西二百六十里。南北六十里。豐水草。宜畜牧。

玉門關在縣東二十步。

合河戍在縣東北八十里。在州西二百步。蓋神龍元年置之。

常樂縣。中下。東至州百一十五里。本漢廣至縣地。屬敦煌郡。魏分廣至置宜禾縣。後魏明帝改置常樂郡。隋於此置

常樂鎮。武德五年置常樂縣也。

伊州。伊吾下。開元戶一千七百二十九。鄉七。

禹貢九州之外。古戎地。古稱昆吾。周穆王伐西戎。昆吾獻赤刀。後轉爲伊吾。周衰。戎狄雜居。涇渭之北。伊吾之地。又爲匈奴所得。及秦始皇攘戎狄。築長城以界中國。漢武時。驃騎將軍擊破匈奴右地。始築令居。以西。初置酒泉郡。後分置武威。張掖。敦煌。列爲四郡。據兩關焉。兩關卽陽關。玉門也。王莽時。地屬匈奴。後漢明帝永平十六年。北征匈奴。取伊吾廬地。置宜禾都尉。以爲屯田兵鎮之所。未爲郡縣。後復爲匈奴所得。自建武至於孝和。三通三絕。至順帝時。以伊吾舊膏腴之地。傍近西域。匈奴資之。以爲鈔暴。開設屯田。如故事。置伊吾司馬一人。至魏。立伊吾縣。晉立伊吾都尉。並寄理敦煌北界。非今之伊州。後魏及周。又有鄯鄯人來居之。大業六年。得其地。以爲伊吾郡。隋亂。又爲羣胡居焉。貞觀四年。胡等慕化內附。於其地置

伊州。

州境。東四一千一十五里。南北四百九十里。

八到。東南至上都四千四百三十里。東南至東都五千一百六十里。

西南至西州七百三十里。
東南取莫賀磧路至瓜州九百里。
正南徽東至沙州七百里。

貢賦。關元貢。刀。陰牙角。

管縣三。伊吾。柔遠。納職。

伊吾縣。下。本後漢伊吾屯。貞觀四年置縣。

天山一名白山。一名時羅漫山。在州北百二十里。春夏有雪。出好米及金鐵。匈奴謂之天山。過之皆下馬拜。

鹹池海在縣南二百里。

柔遠縣。下。西北至州二百四十里。貞觀四年置。縣東有柔遠故鎮。因以爲名。兼置守捉。

天山在縣北二十里。

柳谷水有東西二源。出縣東北天山。南流十五里合。

納職縣。下。東北至州百二十里。貞觀四年置。其城鄯善人所立。胡謂鄯善爲納職。因名縣焉。後漢明帝曾於此置宜

禾都尉。

俱密山在縣北百四十里。

繞海名良田。漢將趙充國所屯也。俗名婆悉厥海。

伊吾軍在州西北三百里。時羅漫山北甘露川置刺史爲使。景龍四年置。

陸鹽池在州南六十里。

西州。交河。安西都護。

開元戶一萬一千六百四十七。鄉二十四。

本漢車師國之高昌壁也。後漢和帝永元三年。班超定西域。以超爲都護。復置戊己校尉。治車師前部高昌壁。以其地勢高敞。人物昌盛。因名高昌。晉成帝咸和中。張駿置高昌郡。後魏太武時。有闕爽者。自爲高昌太守。真君中。爽爲沮渠無諱所襲。奪據之。無諱死。弟安周代立。爲蠕蠕所併。蠕蠕以闕伯周爲高昌王。高昌之稱。王自此始也。太和初。伯周死。子義成立。歲餘。爲從兄首歸所殺。自立爲高昌王。五年。阿伏至羅殺首歸。以敦煌孟明爲高昌王。太和二十年。孟明爲國人所殺。立馬儒爲王。以麴嘉爲長史。遣使內附。高昌人戀本土。不願東遷。相與殺王而立麴嘉。麴嘉卒。子堅嗣立。堅卒。子伯雅來朝。隋煬帝以宇文氏女王波爲華容公主妻之。伯雅卒。子文泰立。遣使貢獻。其後漸失臣禮。貞觀十四年。詔兵部尚書侯君集統薛萬鈞、牛進達等總兵討之。文泰病死。子智盛立。八月。君集進軍破之。下其二十二城。獲戶八千。列其地爲西州。并置西安都護以統之。顯慶三年。改置都督府。天寶元年。復爲西州。貞觀七年。沒於西蕃。

州境。東四百九十五里。南北四百八十六里。

八到。東南至上都五千三十里。

東北至伊州七百三十里。

西南至焉耆七百二十里。

東南至金沙州一千四百里。

南至樓蘭國一千二百里并沙磧難行。

北至金婆嶺至北庭都護五百里。

賈賦。開元貢。氍毹。刺密。乾蒲萄。

管縣五。前庭。柳中。交河。天山。蒲昌。

前庭縣。上。下。貞觀十四年置高昌縣。取舊高昌國爲名也。天寶元年改爲前庭縣。

天山夷名折羅漫山。在縣北三十里。

交河在縣西。高昌國土良沃。穀麥一歲再熟。出赤鹽。其味甚美。澤間有草。名爲年刺。

柳中縣。中。下。四。至。貞觀十四年置。當驛路程極險固。

天山在縣東北。

大沙海在縣東南九十里。

交河縣。中。下。東南。至州八十里。本漢車師前王庭也。按車師前王國治交河城。自漢迄於後魏。車師君長相承不絕。

後魏之後湮沒無聞。蓋爲匈奴所併。高昌據其地。貞觀十四年於此置交河縣。與州同置。

交河出縣北天山水分流於城下因以為名

天山縣上東至州百五十里貞觀十四年置

蒲昌縣中下西南至州百八十里貞觀十四年置本名金蒲城車師後王庭也

天山軍在州城內開元二年置本漢車師後王庭烏孫之東境也貞觀十四年置

庭州北庭都護開元戶二千六百七十六鄉五

庭州因王庭以為名也後為賊所攻掠蕭條荒廢明慶中重修置以來濟為刺史治完葺焉請州所管諸蕃奉敕皆為置州府以其大首領為都督刺史司馬又置參將一人知表疏等事其俗帳居隨逐水草帳門皆向東開門向慕皇風也其漢戶皆龍朔已後流移人也長安二年改置北庭都護府按三十六蕃開元二十一年改置北庭節度使都管兵二萬人馬五千匹衣賜四十八萬匹段以防制突騎施堅昆斬斮西北去突騎施七千里東去斬斮一管瀚海軍北庭都護府城中長安二年初置燭龍軍三年郭元振改為瀚海天山軍開元二年置管兵五千人馬五百匹伊吾軍伊州西北三百里甘露川景龍四年置管兵三千人馬三百疋在理所東南五百里

州境

八到東南至上都五千二百七十里東南至東都六千一百三十里東南至伊州九百七十里東至西州五百里

東南至伊州九百七十里

四南至焉耆書鎮一千一百里
四至碎葉二千二百二十里
北至堅昆衙帳約四千里
東北至迴鶻衙帳三千里

貢賦 關元貢 陰牙角 速霍角 內沙 阿魏 延胡索

管縣三 後庭 蒲類 輪臺

後庭縣下郭貞觀十四年於州南置蒲昌縣長安二年改為金蒲縣寶應元年改為後庭縣

蒲類縣南至州十八里貞觀十四年置因蒲類海為名先天二年為默啜所陷開元十四年復置

輪臺縣東至州四十二里長安二年置

清海軍在府西七百里舊名鎮城鎮天寶中改名清海軍

俱六鎮在州西二百四十里當碎葉路

憑落鎮在府西三百七十里

神仙鎮在府南五十里當四州路

沙鉢鎮在府西五十里當碎葉路

蒲類鎮在蒲類縣西

郝遮鎮在蒲類東北四十里當迴鶻路

鹹泉鎮。在蒲類縣東北二百里。當迴鶻路。

特羅堡子。在蒲類縣東北二百餘里。四面有磧。置堡子處。周迴約二十里。有好水草。卽往迴鶻之東路。

右元和郡縣圖志四十卷。唐宰相李吉甫所上也。吉甫病古今地理家著錄不得其要。獨取蕭何收秦圖書而究天下阨塞戶口多少者以爲準。則不待詳閱其書。而其體要卓然可紀也已。吉甫再相。蓋元和六年。此志自載其所嘗建白者二事。改復天德舊城。則在八年。更置宥州於經略軍。則在九年。其年十月。吉甫遂薨於位。則是書又其當國日久。乃始纂述。此於唐家郡縣疆境。方面險要。必益熟按當時圖籍言之。最爲可據。又其言曰。志凡四十七鎮。鎮皆有圖。冠其篇首。故以圖志名之。圖合亡矣。獨志存焉耳。憲宗經略諸鎮。吉甫實贊成之。其於河北。淮。西。悉嘗圖上地形。憲宗得以座覽要害。而險定策畫者。圖之助多也。惜乎其不存。志傳寫久有闕逸。又譌誤不敢強補。謹書其有益者。以示可傳而已。淳熙二年五月一日。祕書少監臣大昌敍。

張幾仲帥襄陽。且行。謂予曰。以余之好異書。知世間有甚欲之而無其力者矣。之鎮。苟暇。期取古書有益者。刻木而布傳之。庶其費寡而人可得。是亦一爲政也。祕藏多書。盍選擇見授。予思之。有元和郡縣圖志者。其所記地理。多唐家制度。本朝疆理天下。率多本唐。則是書之備稽究。特與今宜。予嘗卽蓬山藏本之末。敍列其所以可傳者矣。苟欲該惠夫人。則莫此爲要。遂錄寄之。以遂其雅好。幾仲

名子顏。今以敷文閣待制在鎮。淳熙二年至日。新安程大昌奏之書。

右元和郡縣圖志四十卷。目錄二卷。唐元和八年丞相李趙公吉甫所上也。後三百六十有三年。今京西牧待制張公幾仲始刻板於襄陽幕府。按新唐藝文志著錄是書爲五十四卷。會要析而兩之。一曰州縣郡國圖三十卷。一曰郡國圖。其卷與新志同。皆冠以元和三者了不相似。以今所刻證之。皆非也。地理之最莫切於圖書。周官職方氏掌天下之圖要。周知其利害。沛公入關。蕭何收秦丞相府圖籍。具知隄塞戶口多少。彊弱處。基漢爲雄。光武與鄧禹論天下郡國。亦披輿地圖。乃克見。則不出戶庭。而九州萬里在吾目中。如策馬并轡。援衣挈領。舍此誰則然。方趙公爲相。彊藩悍帥。犴貞元餘習。擅地自予。朝廷莫敢訶。而能以期間易三十六鎮。魏田季安病。公請以滑任薛平。戍重兵邢洺。因圖上河北險要。憲宗張於浴堂門壁。每歎曰。朕日按圖。信如卿料。則其所著書。蓋已見之行事矣。豈真區區紙上語而已哉。幾仲先忠烈王勛在彝鼎。爲中興社稷臣。幾仲濟美稱家。文史聲猷。有晉宋勝流風度。方守國西門。雍容緩帶。躡叔子元凱故蹟。一旦天子讀此書。悼河山之獨西。想燕冀而愴慨。睠焉北顧。思有所出。趙營平不必馳至金城。圖上方略。馬伏波不必聚米爲山。指畫形勢。幾仲知之矣。予願拭目焉。本作書之旨。則趙公之敍固在。今揭於篇首。淳熙三年十一月。番陽洪邁書。

子顏少有四方志。逮長益篤。比年數被上委使。尋復領襄州。奏事便殿。上諭曰。馳驅原隰。爾素志也。願

昧陋何以克承玉音。洎至郡。每登峴山。撫中原。未始不歎息久之。思有以自效者。浩不知其涯焉。會故人程刑部寄元和郡縣圖志。閱之。矍然有感。仰惟明主。握天下之吭。制羣生之命者。不在茲乎。亟用版傳。以資有志者。籌贊恢拓之業。又得程洪二鉅公題品詳贍。斯文爲不朽矣。昔司馬子長南游江淮。上會稽。探禹穴。闕九疑。北涉汶泗。東觀齊魯。孔子之遺風。西使巴蜀。以還。周覽山川。故其爲文。廣博馳騁。古今愚不敏。詎敢擬一二。唯欲勉馳驅之素志。竭緜薄於異時。蓋有務於是書。亦報上之一云。淳熙三年十二月朔旦。上秦張子顏書。

乾隆三十六年辛卯之夏。於程魚門同年處。假得朱竹均學士藏本。歸鈔其副。癸巳歲。胡竹巖待詔同寓大僕寺街壽雲篋。爲校之。而未竟也。甲午十月。同年李雲門編修。偕從子廣森攜浙江所進遺書本來校。又鈔得所脫簡四頁。及補所缺貢賦二處。云永樂大典中有是書。及太平寰宇記足本。以州府散隸於各韻字下。董其總者。憚其檢查煩重。不以付也。憮然久之。乙未七月。淫霖。六月十二日。新暉頗爽。草摘此目。以便緝閱。原書有目錄二卷。應將縣名分隸。斯更瞭然矣。丁孝廉錦鴻云。吳蘭庭謂是書有郡縣名。在元和之後所改者。疑爲後人闖入。然州縣之廢置分合。改隸。以之校杜佑通典。可得大凡。新舊書二志皆不及也。乙未七月十三日戊午。是日立秋。孔繼涵記於貝纓齋。衛之敏事齋。

元和郡縣圖志卷四十考證

隴右道下

官本按云是卷涼州至庭州載開元貢而不載布麻之賦。並由傳寫遺缺。

一十五。涼州開元鄉

官本一作二南本从之。

改州之雍州。州錢

改州宜作改周語見晉志。

隔絕西羌西域。

晉志隔作南西域上有西通二字。

魏又分雍州置涼州。

與上文義不屬。晉志上有末又依古典定九州乃合關右以爲雍州十六字。此疑有脫。

至沮渠茂虔。

茂虔通鑑作牧建與史別。

置西河節度使。

官本西河作河西。與舊志合。

八千八百匹。注

舊志作九千四百匹。下有衣賜百八十萬疋段。

輻員。赤水軍注

官本作輻員。

因大斗拔谷爲名也。二千。大斗軍注

官本拔作枝。南本从之。誤。詳刪丹縣。二。舊志作四。

遂於甘州西。置此軍。五百匹。後倣此。建康軍注

舊志甘作涼。誤。軍下官本有管字。此脫。五百作一千二百。此與舊志合。未和孰的。後倣此三字。官本無。

宜衍。

五百餘匹。密寇軍注

官本無餘字。宜衍。

千人實三百人。玉門軍注

舊志作五千二百人。

新泉郡。

官本郡作軍是。

七十人。注。

舊志無七字。

豆虜軍。

官本作豆盧軍。此誤。今改。

五百人。注。

舊志五作三。

東去邗所云云。張掖守捉注。

舊志作涼州南二里。管兵五百人。恐誤。

涼州西北三千里。白亭軍注。

姑臧縣本條西北三千作北三百。舊志作五百。未知孰的。千字誤。

名爲烏城。

初學記烏城作蓋烏城樂史作鸞烏城

白麥開元買

官本作白小麥十石別有細褐此脫

蓋臧城姑臧縣

官本臧作藏後漢書初學記樂史所引各書並與此合

本漢鸞烏縣神烏縣

官本烏作鳥南本从之與漢志合段玉裁曰宋有神烏縣鳥是也見輿地記舊志作鳥誤

為永平縣昌松縣

官本平作年是南本改本名永世唐以年字代

置武興郡嘉麟縣

官本作興武倒

本漢番禾縣天寶縣

禾地理志作和晉志作禾隋志作和官本自此至甘州敘後業為北云云並缺

元鼎六年甘州敘

地理志作太初元年。此從本紀。

初屬張軌。

初字與上文義不屬。上宜脫東晉字。

夏瀉酥。張掖縣那連山條

御覽引涼州記酥作酪。此恐誤。

箭竿。雪山條

洪亮吉引竿作簞。

四十五里。甘峻山條

官本下有出青鵝鷹。稱為奇絕。常充貢獻。此脫。

一千六百里。居延海條

官本作一百六十里。趙殿成、王琦所引同。此疑誤。

三十里。鹽池條

官本下有其鹽潔白甘美。隨月虧盈。周迴一百步。此脫。

按焉支山。刪丹縣條

一作燕支焉耆。

在縣南五十里。

戴震水地記引南作東南。自注云。今縣東四十里曰新河堡。又東四十里曰石峽堡。焉支山在新河堡南五里。石峽堡南八里。此脫。

大斗枝谷。討吐渾。本條

按隋書通鑑枝並作拔。與涼州鉸合。此恐誤。官本吐下有谷字。南本增。

五十二。肅州開元戶

官本二作三。南本从之。

元符二年。州鉸

官本符作狩。是南本改。地理志作太初元年。與本紀別。

初屬張軌。

上宜有東晉。

太守唐瑤。推武昭王。

官本瑤無注。缺字。此與通鑑合。昭王下官本有爲主二字。

武德元年

舊志樂史元並作二與涼甘二州敍合此誤

四百三十五里州境下

官本作五百四十里與樂史合

東至上都 東至東都 二千五百里八到下

東官本並作東南此脫樂史千作百百作十近合

本漢福祿縣酒泉縣敍

地理志作祿福郡國志作福祿按魏志龐涓傳及皇甫謐列女傳龐娥事並作祿福與郡國志別晉志

作福祿

一百里福祿縣注

官本一作二

本漢樂涪音官屬敦煌郡縣敍

官本涪作涪下有縣字無音南本从之地理志本作涪音官與此合官本誤下同廣韻集韻兩名並收

殊少別擇敦煌宜作酒泉方與地理志合

周迴鹽池條

下宜有里數。

後孝明帝玉門縣條

官本後作後魏。此脫。

玉門軍云云本條

與涼州敍注文時事各別。

允姓之戎沙州條

左傳戎作姦。水經注亦作姦。

元鼎六年。

地理志作後元年。此從本紀。

立瓜州以地爲名也。

官本作改瓜州爲敦煌郡。恐非。以地下宜有出美瓜三字。見地理志及此志瓜州敍。

陷於西蕃。

官本下注云。皇朝以敦煌爲燉煌。此脫。

敦煌_{管縣}
下

官本敦作燉。南本从之。下同。與舊志合。

敦大也。以其開廣西域。故以盛名。敦煌縣敘。

數句文義未洽。宜有脫誤。按地理風俗記。大也。下應有煌盛也。盛名當作名之。樂史引應劭曰。敦大也。

煌盛也。故以名之。此傳鈔漏錯。

尙書云云。三危條。

此三危非禹貢之三危。戴震水地記辨之甚析。此本水經注。

出懸泉山。懸泉水條。

南本作出龍勒山腹。

六里。壽昌縣陽關條。

樂史作六十里。歐陽忞與此同。

一十八里。玉門關條。

南本八作七。

罷郡置瓜州。瓜州條。

官本脫下三字。

武德五年改瓜州。

下宜脫爲沙州。見沙州敕。

草鼓子。開元
實

樂史鼓作鼓。

本漢冥安縣。晉昌
縣敕

冥。晉志作宜。舊志作真。皆形近之訛。

省入涼興郡。

郡宜作縣。顧祖禹曰。後周併涼興。廣至。冥安。淵泉。四縣爲涼興縣。

二十步。玉門
關條

王琦引作二十里。此恐誤。

在縣東北八十里。在州西二百步。置之合河
皮條

縣治郭下。此方里迥殊。宜有錯繆之。官本作也。南本改。

置宜禾縣。常樂
縣敕

舊志禾作水誤。

又有鄴郡人來居之。鄴州

鄴郡人宜作鄴善人。南本改官本作鄴人。脫善字。鄴善古樓蘭。漢昭帝更名。

時羅漫山。出好米。伊吾縣天山條

官本時作折。與西州前庭縣條同。南本從之。張澍集西河舊事引此亦作折。云括地志作初羅漫。或作

時羅漫。皆字形相近而誤。程大昌北邊備對云。天山即祁連山也。又名時羅漫山。又名祁漫羅山。舊志

作析羅漫山。歐陽忞作折羅漫山。與官本及前庭縣條合。好米。趙殿成王琦並引作好木。後漢書注引

西河舊事亦作好木。此誤。

鹹池。二百里。本條

官本鹹作鹽。二作三。下有周迴百餘里。州東北四澗水。並南流至州南七八里。合流為一水。側近皆有

良田云云。此脫南本增。

二百四十里。柔遠縣注

官本二作一誤。

貞觀四年。納職縣敘

官本自此以下缺九行

在縣北百四十里俱密山條

樂史北作西南南本四十里下有山北二十里正抵蒲類海其蒲類海後漢桓帝時匈奴呼延王寇伊吾司馬毛愷遣吏兵五百人與戰悉爲所沒卽此海也

繞海名良田本條

疑作繞海多良田別有脫文西河舊事有繞蒲海見初學記樂史曰蒲類海一名婆悉海蓋卽此地異名

六十里陸鹽池條

南本下有周迴十餘里無魚水自生鹽如海鹽月滿則鹽多而甘月虧則鹽少而苦此脫

安西都護注四州

官本作中都督府

下其二十二城州敘

通考二十作三十恐誤

獲戶八千

會要及通考並作八千四十六。此舉成數。

顯慶三年。

顯原宜作明。此後人改。

五千里。八到
下。

五千下宜有脫。

焉著。

官本焉訛作烏。著作者通。

北至金婆嶺。

官本至作自是。

氈毛。開元
貢。

官本作氈毛。恐誤。六典、新舊志俱與此合。

名爲年刺。前庭縣
交河條。

年刺。官本作羊刺。下有其上生蜜。食之與蜂蜜不異。名曰刺蜜。有鹽。其狀如玉。取以爲枕。貢之中國。此

脫。南本增。

程極險固。柳中縣敘。

官本程作城義長。

貞觀十四年置。蒲昌縣天山軍條。

疑衍。

都護。庭州下。

官本作上都護府南本上作下。

明慶中。庭州敘。

官本明作顯南本从之非唐避用明字代。

治完葺焉。

治官本作理是南本改。

北去堅昆七十里。堅昆斬

官本脫去字舊志十作千。

開元二年。天山軍注。

會要作貞觀十四年與蒲昌縣專條合。

五百里。伊吾軍注。

五官本作七。樂史同。

東至西州。八到

州。敍天山軍注在西州城內。下云在理南。東疑訛。或脫南字。

後庭縣。

官本注下字。此脫蒲類。輪臺二縣同。南本增。

金蒲縣。縣敍。

舊志歐陽恣蒲並作滿。恐誤。

長安二年。輪臺縣敍。

舊志作貞觀十四年。

俱六鎮。

以下八條注文。官本俱正書。於例爲長。

鹹泉鎮。

官本鹹作鹽。南本改。

約二十里。特羅堡
子注。

官本十作千。